

HEIMAVIST MA OG VMA

Eyrarlandsvegur 28 • 600 Akureyri • sími 455-1600 • Fax 455-1601
www.heimavist.is • heimavist@heimavist.is • Kt. 630107-0160



Skýrsla fyrir skólaárið 2018 - 2019

Almennt

Lundur rekur nemendagarða fyrir báða framhaldsskólana á Akureyri; annars vegar í nýbyggingu Lundar og hins vegar í eldri byggingu sem áður hýsti heimavist MA. Byggingarnar eru tengdar saman með björtu og rúmgóðu anddyri.

Lundur er sjálfseignarstofnun sem rekur nemendagarðana á grundvelli þjónustusamnings við menntamálaráðuneytið frá desember 2001. Samningurinn kveður á um að Lundur tryggi íbúum nemendagarðanna frambærilegt húsnæði til búsetu, öruggar og heimilislegar aðstæður ásamt eftirliti með íbúunum auk viðunandi þvottþjónustu og fullnægjandi mótuneytisaðstöðu. Með samningi við mótuneyti MA felur Lundur mótuneyti MA að reka mótuneyti og þvottahús á nemendagörðunum samkvæmt þjónustusamningi Lundar við menntamálaráðuneytið.

Á nemendagörðum Lundar er rými fyrir 333 íbúa og er þá miðað við að tvímennt sé í öll herbergi nýbyggingar, í þrjú stærri herbergi á gömlu vistinni auk níu herbergja á svítum. Hefðbundnu herbergin á gömlu vistinni eru nýtt sem eins manns herbergi á veturna.

Aðsókn

Þegar lokað var fyrir umsóknir í byrjun júní var aðsóknin að nemendagörðunum meiri en hægt var að verða við skólaárið 2018 til 2019 líkt og verið hefur undanfarin ár og því fóru nokkrir á biðlista.

Gerð er sú krafa gagnvart íbúum sem nýta sér búseturétt hjá Lundi, að þeir skuldbindi sig til að búa á gördunum yfir skólaárið á meðan þeir halda eðlilegri námsframvindu.

Góð nýting nemendagarðanna er eðlileg krafa þegar umsóknir um búsetu á gördunum hafa verið umfram herbergjaframboð. Góð nýting er einnig mikilvæg fjárhagsleg forsenda garðanna. Nemendum sem hætta námi eða falla frá námi er þó unnt að segja upp húsaleigusamningi með stuttum fyrirvara. Gengið er út frá því að ólöggráða nemendur beggja skóla hafi forgang svo og nemendur sem sækja sérnám sem ekki er að finna í þeirra heimabyggð eða nám sem er mikilvægt skólunum. Að þessu frátöldu er lausu rými úthlutað í venjulegu hlutfalli 2/3 MA og 1/3 VMA, þó þannig að skólameistarar og framkvæmdastjóri Lundar leysi sameiginlega úr vandamálum, ef upp koma.

Fjöldi íbúa

Þegar heimavistin hóf starfsemi haustið 2018 voru flest öll herbergi nýtt en líkt og áður eiga þó nokkrar breytingar sér stað á þeirri íbúaskrá sem lagt er af stað með inn í skólaárið.

Ef miðað er við íbúafjölda 1. október 2018 þá voru alls 326 íbúar á heimavistinni eða 179 íbúar í MA og 147 íbúar í VMA.

Kynjahlutfallið skiptist þannig milli skólana: Hjá íbúum VMA voru alls 41% stúlkur og 59% piltar sem er svipað og síðasta skólaár. Hjá MA íbúum hefir hlutfall stúlkna aukist frá fyrra skólaári um 6% og eru 65% stúlkur á móti 35% pilta. Kynjahlutfall allra íbúa hefur verið svipað undanfarin ár. Ef skoðuð er tafla 1 yfir aldursdreifingu íbúa haustið 2018 (miðað við 1. október) voru 66% allra íbúa ólöggráða, 69% íbúa MA en 62% íbúa VMA.

Tafla 1 - Aldursdreifing íbúa í október 2018

	Aldursdreifing allra íbúa	Aldursdreifing MA íbúa	Aldursdreifing VMA íbúa
Íbúar fæddir árið 2003	1%	1%	
Íbúar fæddir árið 2002	35%	36%	34%
Íbúar fæddir árið 2001	30%	32%	28%
Íbúar fæddir árið 2000	24%	23%	24%
Íbúar fæddir árið 1999	7%	7%	6%
Íbúar fæddir árið 1998	2%	1%	4%
Íbúar fæddir árið 1997	1%		2%
Íbúar fæddir árið 1996	0%		1%
Íbúar fæddir árið 1995	0%		1%
	100%	100%	100%

Á hverju skólaári dvelja systkini á heimavistinni en þau fá sérstakan systkinaafslátt af húsaleigunni. Skólaárið 2018-2019 bjuggu alls 18 systkini (37 íbúar) á heimavistinni.

Lögheimili nemenda

Íbúar sækja heimavistina víða að af landinu eins og tafla 2 sýnir, en hún sýnir flokkun íbúa eftir lögheimilisskráningu í október 2018:

Tafla 2 - Skipting íbúa eftir skólum og lögheimili í október 2018

	VMA íbúar	MA íbúar	Allir íbúar
Suðvesturland og Suðurland	6%	16%	11%
Vesturland	5%	1%	4%
Vestfirðir	7%	2%	4%
Norðvesturland	27%	25%	26%
Eyjafjörður (þ.m.t. Siglufjörður)	18%	24%	21%
Norðausturland utan Eyjafjarðar	20%	18%	19%
Austurland	16%	13%	14%
Erlendis	1%	1%	1%
	100%	100%	100%

Eins og sjá má eru flestir íbúar beggja skólanna frá Norðvesturlandi líkt og árinu áður.

Heimili íbúanna

Nemendagarðar Lundar eiga að vera tryggt og öruggt heimili íbúanna og er kappkostað að svo sé enda mikilvægt fyrir íbúa og foreldra/forráðamenn að haft sé eftirlit með hegðan og líðan íbúanna eins og kostur er. Lögð er áhersla líkt og áður á að íbúar temji sér góða umgengni á vistinni, umhirðu herbergja sinna, virði næðistíma á næturna og að öll meðferð áfengis og fíkniefna sé stranglega bönnuð og varði brottrekstur.

Reglum og eftirliti með hegðan og líðan íbúanna var skólaárið 2018-2019 líkt og undanfarin ár fylgt eftir með uppbyggilegum ábendingum og afskiptum eftir þörfum. Gangafundir voru haldnir tvisvar yfir veturinn þar sem reglur heimavistarinnar voru áréttáðar o.s.frv.

Hjúkrunarfræðingur hafði líkt og fyrri skólaár reglulega viðtalstíma á heimavistinni tvisvar í viku, klukkustund í senn og veitti íbúum aðstoð og liðsinni um frekari heilbrigðisþjónustu ef á þurfti að halda. Almenn ánægja er með að geta boðið upp á þessa þjónustu.

Haldin var brunaæfing í september sem tókst með ágætum en mikilvægt er fyrir íbúa jafnt sem starfsmenn að æfa rýmingu á húsnæðinu ef á þarf að halda. Eftir rýmingu heimavistarinnar söfnuðust íbúar saman í Kvosinni í MA þar sem starfsmenn frá eldvarnaeftirlitinu fóru yfir hvernig til hefði tekist og hvað þyrfti að bæta.

Undanfarin skólaár hafa íbúar heimavistarinnar ásamt starfsfólki tekið á mótí grunnskólanemendum og kennurum þeirra úr nágrennabyggðalögunum. Heimsóknin er skipulögð í samstarfi við námsráðgjafa MA og VMA og felst í kynningu á heimavistinni. Á skólaárinu var tekið á mótí rúmlega 200 nemendum úr 8. 9. og 10. bekk frá 11 skólum úr nágrennabyggðalögunum og fengu þeir kynningu á heimavistinni. Að lokinni kynnisferð um húsnæðið var endað á setustofunni þar sem gestir gæddu sér á veitingum og spjölluðu við starfsmenn og íbúa. Vel tókst til með kynninguna og hefur reynslan sýnt að þessar kynningar sem íbúar heimavistarinnar taka þátt í eru að skila sér.

Hagsmunamál íbúa

Íbúar kjósa sér hagsmunaráð heimavistarinnar, öðru nafni heimavistarráð. Heimavistarráð starfaði með framkvæmdastjóra og öðrum starfsmönnum og vann að framgangi sameiginlegra hagsmunamála íbúanna. Heimavistarráð skipulagði einnig félagsstarf og vann að undirbúningi viðburða á heimavistinni. Á skólaárinu 2018-2019 stóð heimavistarráð fyrir líkt og áður: kvikmyndasýningum, laufabrauðsgerð, jólahlaðborði, vöfflukaffi og páskabingói.

Agamál

Í samstarfi við skólameistara hefur Lundur mótað skýrar vinnureglur um meðferð og afleiðingar áfengisbrot á heimavistinni. Viðurlögin við áfengisbrotum fara eftir eðli brotanna en drykkja íbúa á heimavistinni er brottrekstrarsök. Þá hafa einnig verið mótaðar vinnureglur um meðferð og afleiðingar vímuefnanotkunar sem eru alvarlegustu brot á agareglum vistarinnar.

Á skólaárinu urðu starfsmenn enn frekar varir við að íbúar væru að reykja rafréttur inn herbergjum með tilheyrandi afleiðingum. Íbúar fengu tiltal og áminningu og haft var samband við forráðamenn líkt og áhersla er lögð á þegar um agabrot er að ræða. Í ljósi reynslunnar voru reglur og eftirfylgni við rafrettunotkun íbúa í húsakynnum hertar.

Á skólaárinu þurfti að vísa tíu íbúum af vist vegna áfengisneyslu og fjórum vegna fíkniefnaneyslu.

Skipulags- og rekstrarmál.

Alls störfuðu níu starfsmenn á skólaárinu 2018-2019: Tveir starfsmenn á næturvakt, tveir starfsmenn á skiptum vöktum á daginn og kvöldin, einn starfsmaður á morgunvöktum og tveir helgarstarfsmenn. Auk þjónustustjóra og framkvæmdastjóra.

Á árinu unnu nokkrir íbúar á heimavistinni yfir vetrartímann. Starfið fólst í ýmis konar aðstoð við starfsmann á vakt s.s. við að ryksuga, fylla á lagera o.s.frv. Tveir til þrjú íbúar störfuðu yfir vetrartímann og unnu að jafnaði alls 2-4 klst. á viku.

Á skólaárinu tóku starfsmenn þátt í „Mín framtíð 2019“ sem fram fór í Laugardalshöll. Um þriggja daga dagskrá var að ræða þar sem fram fór Íslandsmót iðn- og verkgreina og framhaldsskólakynning.

Heimavistin var með kynningarsvæði ásamt fulltrúum MA og VMA á sýningunni. Það var samdóma álit fulltrúanna að vel hefði til tekist og um leið og það væri mikilvægt að taka þátt þá væri það líka styrkur að skólarnir og heimavistin væru með sameiginlegt kynningarsvæði.

Af viðhaldi og endurbótum á húsnæði má nefna að lögð voru ný gólfteppi á gang á gömlu vistinni og snyrtingar og sturtuaðstaða var endurnýjuð á tveimur hæðum. Þá voru ný rúm og dýnur endurnýjuð á nokkrum herbergjum á gömlu vist auk þess sem gólfefni á setustofunni lagfært.

Á nýju vistinni var parket endurnýjað á 20 herbergjum og hluti þeirra almáluð í leiðinni.

Ný langþráð vindfangshurð í anddyri var einnig tekin í notkun á vormánuðum.